



[Faint, illegible handwriting on a large sheet of paper, possibly bleed-through from the reverse side.]

15
1. 2
2. /
3
160
1. 8
1. 1
160
1. 1
160
1. 1
2. 0
160
1. 1
160
1. 1
160
1. 1



15
24
M
54
THESES JURIDICÆ

De

TUTELA ET CURA,

Quas

D. T. O. M. A.

PRÆSIDE

Clarissimo & Consultissimo VIRO

DN. WILHELMO LUDWELL, U. J. D.

& P. P. Fautore & Præceptore suo omniho-
noris & observantiæ cultu jugiter æviter-
nùm suspiciendo,

In Inclutâ NORIBERGENSIVM UNIVER-
SITATE ALTDORPHINA,

Publicæ & placidæ disquisitioni

In Acroaterio majori

Committet & pro virili defendere conabitur

HIERONYMUS POPP SCHUIN-
FURTENSIS FRANCUS.

Ad diem Martij

A. R. S.

M. DC. X X XII.

ALTDORPHI

Typis BALTHASARIS SCHERFFI,
Universitatis Typographi.

Nota 19. No 29.

V I R O

Amplissimo, Spectatissimo, & Prudentissimo

DN. WENCESLAO Ballenburg/
Reip. Suinfurtensis Senatori vigilantissimo,
Curatori suo omni honoris & observantiae cul-
tu nunquam non profe-
quendo.

VIRIS ITEM

Integerrimis, honoratissimisq;

DN. GEORGIO Popp.
DN. CASPARO Schamrott.

Illi Fratri huic Affini suo plurimum hono-
rando colendoq;

Haece studiorum suorum Academicorum
primitias,

Honoris & observantiae testandi causa.

L. M. Q;

D. D. D.

HIERONYMUS POPP S. FL.
Auctor & Resp.



In nomine Domini nostri JESU CHRISTI
ad omnia consilia omnesq; actus semper progre-
dimur. l. 2. C. de offic. praefect. Prae-
tor. Afric.

THESES JURIDICAE
De
TUTELA ET CURA.

Prooemium.



Um plerisq; de juris aliqua materia differentibus
solemne esse videamus, ut in fronti spicio quadam
prooemij loco adducant, in quibus vel subjecta ma-
teria necessitatem, vel summam ejus utilitatem
multis illustrare verbis conantur: Idem quoq; a nobis de Tu-
tela & Cura agentibus fieri debere non omnino videtur incon-
veniens, praesertim, quod istiusmodi praefationes egregio Le-
gum Coryphaeo Gajo in l. 1. ff. de Orig. jur. attestante, non
solum libentius nos ad proposita materia lectionem producant,
verum etiam cum ibi venerimus, evidentiosem ejus praesent
intellectum. Quoniam autem hujus materiae utilitas ab aliis
satis verbis sit depradicata, ac cuiusvis eam intuenti facile pa-
teat, itaq; sicco, quod dicitur, pede, encomium ejus prater-
euntes ad rem ipsam nos convertimus, salvo argumento l. 1. in
pr. ff. de in integr. restit. Quocirca ut prosperè feliciterq;
succedat:

Adsis Sancta TRIAS, rege tu me flamine sacro.

A 2

POST-

POSITIO I.

Tutela, (a) est vis ac potestas, (b) in capite libero, (c) ad tuendum eum, (d) qui per ætatem seipse defendere nequit, Jure Civili, (e) data & permiffa. (f)

(a) à tuendo dicta, §. 2. l. h. t. l. 1. §. 1. ff. eod. dupliciter accipitur, generaliter & specialiter. Generaliter denotat quamlibet defensionem & confervationem, ut tutelam corporis, l. 3. ff. de l. & l. tutelam ædificiorum, l. 7. §. 16. ff. solut. matrim. tutelam viæ, l. 30. ff. de legat. 2. Specialiter verò sumitur pro illâ defensione ac tutione, quæ pupillo à tutore præftatur, ut hoc loco. Hinc tutores quasi tutores pupilli & defensores dicuntur, d. §. 2. & d. l. 1. §. 1. h. t. Germ. *Vor-munder* quasi *Vor ihrem Mundt* ut notat, *Alberic. de Rosate in Lexic. Juridic. in verbo: tutores.* (b) Quæ vocabula non difjunctim, fed conjunctim sunt accipienda, ut unum per alterum eò melius explicetur, undè etiam ea fæpiffimè in jure conjuncta reperiri patet ex §. 4. l. de Interdict. l. 17. de LL. l. 1. ff. de noxol. act. l. 7. C. de codicill. Per voculam autem *Vis*, non intelligimus vim violentam, quæ libertatem impedit, ut *Accurf. ad §. 1. l. & l. 1. pr. ff. h. t. Petr. Gregor. lib. 12. Syntagm. Jur. c. 2. n. 2.* & alii interpretantur; fed quæ jure & legibus concessa efficax fit, ad pupilli personam regendam ac gubernandam. (c) nimirum pupilli, quoniam ipsum planè liberum tam à patria, quàm dominica potestate esse, necesse est. l. 6. §. f. & l. 14. pr. ff. de tut. lis enim qui alieni juris sunt, tutores non rectè dantur, cùm fatis confilio parentum & dominorum regantur. (d) Scilicet pupillum, quia tutor principaliter personæ tuendæ datur, non vero rei. §. 4. l. *Qui testam. tut. dar. poss. l. 14. ff. de testam. tut.* quamvis etiam per consequentiam negotiorum administrationi præfectus intelligatur. l. 12. §. 3. ff. de administ. & peric. tut. *Wesenb. in w. ff. h. t. n. 4.* (e) Juris enim Civilis est tutela, §. est autem l. de tutel. *Wes. d. loco n. 4. & seq.* quamvis fundamentum in jure Naturali habeat, quemadmodum omne Jus Civile, l. 6. ff. de l. & l. vide *Clariff. & Excellentiff. Dn. D. Ungepauf. fautorem & Præceptorem meum plurimum honorandum in Exerc. suis Justin. Ex. 4. q. 1. in Ajo. & Exerc. 3. q. 2. in Ajo.* (f) Verba hæc ultima definitionis retineri debere, contra *Vult. in §. 1. l. de tutel. defendemus, cum Dd. ibidem. Don. lib. 3. comm. c. 1. Wes. d. loc. ibi enim per* vocabu-

856
vocabulum Data; Legitima: Per voculam verò permiffa, testamen-
taria & dativa intelliguntur, *arg. l. 130. ff. de V. S.*

II.

Est autem tutela triplex: Testamentaria, legitima
& dativa. (a) Testamentaria, (b) est cum parentes, (c)
liberis suis impuberibus, (d) testamento, (e) tutorem,
(f) etiam filiumf. & (g) servum, (h) constituunt. Illud
speciale est, ut ex certo die, vel ad certum diem, sub
condicione, tutor detur in testamento; (i) non vero
rei certæ. (k)

de
tutore testamen-
tario.

(a) *per l. 52. C. de Episc. & cler. l. 4. C. qui dar. tut. vel curat. poss. l. ult. C. de legit. tut. Don. d. lib. 3. comm. c. 4.* (b) Quæ primum obtiner
locum, & cæteris aliis est principalior: quamdiu enim hæc superest,
reliquæ cessant. *l. 11. ff. de testam. tut. l. 9. §. 1. ff. de tut. & rat. distrab. l. 39. ff. de acquir. hered.* Huc non immeritò referri potest ardua illa
quæstio; An etiam in Electorali tutela hæc regula procedat, ut ea
præferatur legitimæ? Nos à parte affirmantium stabimus, moti cum
primis, quod nullibi hoc expressè mutatum reperitur, cur igitur
stare tanquam favorabile prohibeatur, *l. 32. inf. C. de appell. Clariss. Dn. D. Ungep. Exerc. 9. q. 4. Clariss. Dn. Præses Fautor & Præcept. meus æviternum honorandus. Disp. ad Inst. 3. th. 2. lit. B. & alij.* (c) Pater sci-
licet vel Avus, qui filium in potestate habet. *§. 3. Inst. d. t. l. 1. & 4. ff. de testam. tut.* Qui ergò non sunt parentes, ut sunt patroni, extranei
& cognati, ve etiam qui sunt parentes, filios tamen non habent in
potestate, ut mater. *§. 10. Inst. de Adopt. l. 5. C. d. t. de adopt. §. 3. Inst. de hered. qualitat. & differ. dare tutorem nequeunt; datus tamen cum in-
quisitione confirmabitur, l. 1. §. 1. l. 2. in pr. l. 4. & l. ult. ff. de confirm. tut. l. 4. ff. de testam. tutel. Don. d. lib. 3. comm. c. 5.* Imò licet mater li-
beros quibus tutorem dedit, heredes non instituat, adhuc confir-
mari à magistratu solet. *l. 4. C. de test. tut.* Quid si pater emancipato
dederit? Confirmabitur sine inquisitione, quamvis jure dare non
posset. *§. f. l. d. t. l. 1. §. 2. ff. de confirm. tut.* Quæritur autem qualis
istiusmodi confirmatus sit dicendus, testamentarius, an vero dati-
vus? Respondetur, propriè neq; testamentarium neq; dativum di-
ci posse:

A 3

ci posse:



ci posse: cum enim hic & factum testatoris & confirmatio magi-
stratus concurrat, propriè dativus dici non potest, quia magistratus
tantum confirmat, quod pater disposuit: nec etiam testamentarius
simpliciter, quia non solo testamento constitutus est, sed magistra-
tus confirmatione, quæ robur huic dationi addidit. Adde *Goedd. ad*
l. 110. n. 4. de V. S. Quod si tamen ad alterutram speciem referre omni-
nò placuerit, ad testamentarium, quàm dativum propius accedere
videtur; quia confirmans defuncti, non suum sequitur iudicium,
l. 32. ff. de Excusat. tut. (d) d. §. 3. l. de tutel. l. 1. §. 1. ff. de testam. tut. l. 1.
§. 1. ff. de confirm. tut. filii semper, nepotibus tum demum, si post
mortem avi in patris sui non recidant potestatem. d. §. 3. & d. l. 1. §. 2.
de testam. tutel. etiam posthumis in potestate futuris, nec testamen-
tum rupturis. d. l. 1. §. 1. d. t. & §. 4. l. de tutel. §. ul. l. qui testam. tut.
Ratio est in *l. 7. & 26. ff. de stat. hom. l. 220. & 231. de V. S.* Filiis si dede-
rit, nepotibus non censetur dedisse. *d. §. ul.* In dispositione enim ho-
minis propriè & strictè vox filii accipitur pro eo, qui ex uxore & viro
ejus nascitur, *l. 6. in pr. ff. de his qui sunt fili vel alien. jur.* Exheredato
filio tutorem dari posse certum est, ut nec confirmatio requiratur,
l. 4. l. 10. §. 2. l. 26. §. 2. l. 31. ff. de testam. tut. Duar. ad tit. ff. de tutel. c. 2.
Addidimus autem impuberibus, ad differentiam puberum; quo-
niam puberibus tutor non datur sed curator, cum pubertate ipsa
tutela finiatur, *pr. l. quibus mod. tut. fin. (e) d. §. 3. l. 20. §. 1. ff. de testam.*
tut. l. 1. §. 1. ff. de confirm. tutor. vel codicillis, non aliter tamen quàm
testamento expressè vel tacitè confirmatis. l. 3. ff. de testam. tut. §. non
tantum. l. de codicill. (f) Non curatorem, qui tamen datus confirma-
ri debet. l. 6. ff. de confirm. tut. (g) pr. l. de test. tut. l. 6. ff. de tutel. l. 21. ff.
de administr. & peric. tut. tutela enim est munus publicum in pr. l. de
Excusat. tut. vel curat. l. 17. §. 2. & 4. ff. eod. in publicis autem causis
filiusf. pro patref. habetur. l. 9. ff. de his qui sunt sui vel alien. jur. (h)
Propium purè, etiam sine libertate. Quo casu servus libertatem di-
rectam ipso jure consequitur. *§. 1. l. d. t. l. 32. §. 1. ff. de test. tut. non-*
nunquam fideicommissariam favore pupilli accipit. l. 10. §. f. ff. de
test. tut. l. 9. C. de fideicom. libert. Alienum verò servum cum conditio-
ne cum liber erit, d. §. 1. l. d. t. qui test. tut. Ex benigna tamen inter-
pretatione fideicommissaria libertas ita data videtur, ut heres eum à
domino redimere & manumittere habeat necesse. l. 10. §. 4. de testam.
tut. d.

15
14
13
12
11
10
9
8
7
6
5
4
3
2
1
tut. d. l. 9. C. de fideicom. libert. (i) §. 3. Inst. qui testam. tut. l. 8. §. 2. & l. 11.
in pr. ff. eod. quia ante vel post illud tempus auxilium magistratus su-
perest, per quem pupillo prospici potest. §. 1. l. de Attilian. tut. (k)
§. 4. l. d. t. & ibi Dd. quia personæ principaliter, non rei datur tutor
d. §. 4. & l. 12. ff. de test. tut.

III.

Testamentariâ deficiente succedit legitima, (a)
quam lex, (b) ipsa defert. (c) Quæ est vel agnatorum,
& cognatorum, (d) vel patronorum, (e) vel parentum,
(f) vel fiduciaria. (g)

857
de
tutore legitimo

(a) l. 9. §. 1. ff. de tut. & rat. distrab. l. 11. in pr. ff. de testam. tut. N
118. c. 5. l. 89. ff. de R. I. Si vel testamentaria cessat, vel ejus confirma-
tio. d. l. 11. Don. 3. comm. 6. Ex testamento tamen si fuerit tutor, licet
is se excusaverit, vel remotus fuerit, non ei succedit legitimus, sed
dativus, d. l. 11. §. 1. & 2. l. 3. §. 8. ff. de legit. tut. Sin verò tutor testamen-
tarius post mortem testatoris decedat, legitimæ tutelæ locus erit,
exclusâ dativâ. l. 6. in f. ff. de legit. tut. d. l. 11. §. 3. Don. d. c. 6. Quòd
si impedimentum temporale sit, quo minus tutor testamarius tute-
lam administret, tutorne dandus? Curatorem dari debere verius
est. §. item quia. l. de Excus. tut. l. 15. ff. de tutor. & Curat. dat. Don. 3.
comm. 15. in f. secus si impedimentum perpetuum fuerit. l. pen. ff. de
tutel. l. pen. C. in quib. cas. tut. (b) Lex videlicet 12. tabb. aut alia quæ-
vis, aut SCrum. l. 7. ff. de capit. minut. (c) absq; ullâ hominis disposi-
tione, ullâ vè magistratus autoritate, l. 5. in pr. ff. delegit. tut. (d) Qui
pariter hodiè ad successionem vocantur. d. N. 118. c. 5. Auth. sicut he-
reditas. C. de legit. tut. & sic quoq; ad tutelam d. N. 118. & arg. l. 73. in pr.
de R. I. Sed secundùm gradus prærogativam, proximior enim remo-
tior excludit. l. 9. ff. delegit. tut. §. f. l. de capit. demin. aut si eodem
gradu plures sint, omnes tutelam nanciscuntur. d. §. f. & d. l. 9.
Quamvis hodiè ad eum devolvatur, qui primò à lege ad heredita-
tem vocatur. d. N. 118. c. 5. Unde jure novissimo mater & avia pro-
pter summam affectionem & pietatem, si velint liberorum suorum
tutelam gerere, reliquis agnatis præferantur. d. N. 118. c. 5. Auth.
matri C. quand. mulier. offic. tut. fung. pot. Don. 3. comm. 3. ita tamen ut
secundis nuptiis & SCto Vellejano renunciarent. N. 94. c. 2. Auth. sa-
cramen-

de
tutela materna

eramentum; quand. mulier offic. tut. & c. d. Auth. matri. C. d. t. tit. Ob
secundas ergò nuptias tutelam filiorum amittit, quam mortuo ma-
rito reassumere nequit. *Myns. 3. obs. 83.* depositam, non subsecutis
nuptiis, potest. *d. N. 94. c. 2. Myns. d. loc.* Pater tamen etiam ad secunda
vota transiens, liberorum tutelam retinet: firmior enim est amor pa-
ternus, quàm matris, què magis amore secundi mariti, quàm filiorum
ardere præsumitur: cum ejusmodi fæminæ quandoq; & res & vitam
filiorum maritis addicant. *l. 22. in f. C. de administr. tut.* (e) Quæ patro-
nis eorumq; liberis in patronos patronasq; impuberes ex mente L.
12. tabb. competit, *t. t. Inst. de legit. patron. tut.* (f) videl. in liberos ante
pubertatem emancipatos, quæ nec lege, nec mente legis 12. tab. est
introduc-ta, sed saltem exemplo patronorum. *Inst. de legit. parent. tut.*
(g) Dicitur autem hæc fiduciaria exinde, quòd jus fiduciam habeat
de his personis, quibus tutelam defert, quod pupillorum rebus
optimè consulere possint & velint. *arg. l. 31. §. 6. ff. de negot. gest.* quæ
competit patri in liberos ab avo emancipatos, vel fratri aut patruo
in fratres aut fratris liberos ante pubertatem emancipatos *t. t. Inst.*
de fiduciar. tut. Verùm hæc tutela omninò ab usu recessisse videtur,
quoniam hodiè jure novo parentes liberorum vel fratres fratrum
non fiduciarii, sed legitimi tutores existant, juxta gradum & succes-
sionis prærogativam, *d. N. 118. c. 5. l. 4. C. de legit. tut. adde Donell. d.*
lib. 3. comm. c. 6.

IV.

de
tutela dativa

In subsidium superiorum locum habet tutela da-
tiva, (a) quæ datur à magistratu competente. (b) Dan-
tur verò omnes, qui nec naturâ, (c) nec lege, (d) pro-
hibentur.

(a) *pr. l. de Attil. tut. & ibi Dd.* ita etiam vocatur, *in l. 7. ff. rem. pu-
pill. salv. fore. l. ult. C. de legit. tut. l. 52. C. de Episc. & Cler.* quæ etiam
honoraria dicitur videlicet à magistratu, qui in jure nostro honor
dici solet, *arg. §. 9. Inst. de I. N. G. & C.* (b) *l. 3. ff. de tut. & curat. dat. vel
suâ sponte, & ex officio, si mater vel alii pupillo non prospiciant, d. pr.
l. 24. ff. d. t. l. 1. ff. de jurisd. l. 6. C. qui dar. tut. & c. vel alterius petiti-
one. d. t. ff. & C. qui pet. tut. & cur.* Hic quæritur: An datio tutoris sit
imperii, an verò Jurisdictionis? Quod utrumq; negamus *per l. 6. §. 2.
ff. de tutel.*

ff. de tutel. quod tamen cum grano salis est accipiendum; potest enim commodè referri ad extraordinariam, quæ specialilegis, vel SCti, vel Principis concessione competit, arg. l. 1. ff. de iurisd. l. 3. pr. ff. de postul. Clariss. & Excellent. Dn. D. Ungep. d. Ex. 4. q. 7. Hodie verò generali Germaniæ consuetudine, ordinario jure magistratus judicandi tutores competit, quod etiam cautum in Constit. Imper. Augustæ Anno 1584. promulgata, tit. Von der Pupillen vnd minder Jährigen Kinder tutorn vnd Vormunder / §. 1. & 3. Quòd si sit alius magistratus quoad domicilium, alius quoad patrimonium pupilli, tunc utiq; domicilii præferetur, l. 21. §. 2. ff. de Excusat. l. 5. §. 12. ff. de rebus eor. quæ sub. tut. & cura. quamvis tutius sit ab utroq; magistratu decretum interponi, l. 30. §. 1. ff. de Excus. Tutor tamen simpliciter datus, omnibus bonis ubicunq; sitis datus videtur. §. 17. & ibi Myns. l. de Excus. tut. Potest etiam magistratus ex vicino municipio, si in suo idoneum non habeat, tutorem dare. l. 10. ff. de tutel. l. 24. ff. de tut. & curat. dat. (c) vel propter defectum naturalem, ut surdus, l. 1. §. ff. de tutel. l. 10. §. 2. de legit. tut. mutus, d. l. 1. §. 2. & d. l. 10. §. 1. l. 17. ff. de tutel. adeò ut si quis tale vitium post assumptam tutelam contraxit, se excusare possit, l. 40. ff. de Excus. ut & Cæcus. l. 3. C. qui dar. tutor. l. un. C. qui morb. & perpetuò furiosus §. 2. l. qui testam. tut. arg. l. 17. ff. de tutel. Secus est, si spes sit eum posse resipiscere. d. l. 11. & arg. d. §. 2. l. d. t. vel propter ætatem, ut minores 25. annis, d. §. 2. l. qui testam. tut. §. 13. l. de Excus. tut. N. 118. c. 5. Nec hîc venia ætatis impetratæ locum habet, quæ suorum bonorum administrationem respicit, l. 2. & seqq. C. qui veni. etat. impetrav. Prodigus quoq; & in genere qui aliorum tutelâ curâve reguntur, tutores vel curatores esse nequeunt. arg. d. §. 13. l. de Excus. l. 6. ff. de V. O. Don. d. lib. 3. comm. c. 3. (d) ut milites, l. 4. C. qui dar. tut. poss. §. 14. l. de Excusat. tut. servi. l. 7. C. d. t. qui dar. tut. & c. l. 22. ff. de testam. tut. debitor creditorvè pupilli jure novo. Auth. minoris C. qui dar. tut. Don. d. c. 3. nisi fuerit mater aut avia. Auth. adhec C. quand. mul. tut. off. & c. Don. d. lo. Quòd si dissimulato debito vel credito tutelam susceperint, hic jus crediti amittit, ille nullâ debiti solutione juvatur. d. Auth. minoris. N. 72. c. 4. & uterq; simul tanquam suspectus à tutelâ removetur, quia eo ipso quòd tacuit, se suspectum reddidit, etiam si creditum remittere velit. arg. l. 8. ff. de tutel. Hæretici quoq; & Judæi Christiano tutores dari

qui
tutores dari
non possunt.

B
possunt



possunt quoad administrationem, à quâ separamus pupilli educationem, quæ judæis, ne superstitione pupillus inficiatur, committenda minimè est. *Clariss. & Excellent. Dn. Praeses. D. ad Inst. 3. th. 6. lit. A.*

V.

*Quid
tutores præstent.*

Tutores prædictis modis constituti necessariò, (a) eam, & gratis, (b) suscipiunt, ita tamen ut prius illis tutela à magistratu decernatur, (c) deindè cautionem præstent, (d) jurent, (e) & inventarium conficiant. (f)

(a) Est enim tutela munus publicum, *pr. l. de Excus. tut. l. 1. §. 4. ff. de muner. & honor. auctoritate non utilitate. Principaliter tamen considerata tutela privatum est. l. 6. §. 15. ff. d. t. de Excusat. Don. d. 3. comm. 9. in pr. Unde necessariò suscipienda est, l. 2. & 28. ff. de administ. & peric. tut. usq; adeò ut pignoribus captis tutor cogi possit à magistratu. l. 3. C. de suspect. tut. (b) Nec enim tutor de bonis pupilli ali debet, nisi esset pauper & pupillus dives, quo casu salarium a judice constitui potest, l. 33. §. f. ff. de administ. & peric. tut. (c) Quod in Constitutione Carolina Augustæ Anno 1548. exhibita. tit. 31. §. 4. est constitutum. Jure n. nostro tutor statim ex quo scit se tutorem datum, administrationem suscipere debet, adeò ut si cesset, suo id faciat periculo, l. 1. §. 1. ff. de admin. & peric. tutor. (d) l. 4. §. 1. ff. rem pupilli salv. fore, l. 1. C. de tut. vel curat. qui satis non dedit. Quod fieri debet datis idoneis fidejussoribus, d. l. 4. §. 1. & seqq. l. 1. ff. qui satisd. cogant. Don. d. 3. comm. 9. in pr. non verò pignoribus datis, nec etiam pecuniâ satisdationis causâ depositâ, l. 7. ff. de prator. stipul. præsertim cum ipso jure bona tutoris pupillo tacitè obligata sunt, l. ult. C. de admin. tut. Giph. ad d. pr. l. 1. §. de satisd. tut. vel curat. Don. d. lib. 3. com. c. 11. Clariss. & Excellent. Dn. D. Ungep. d. Ex. 4. q. 12. Hinc nec ad juratoriam cautionem admittentur, si satisdare nequeant propter inopiam, i. e. cum non tantum habeant in bonis, quantum pupillus, l. 2. C. de tut. & curat. qui satis non ded. Et licet de Jure Civili testamentarii, itemq; ex inquisitione dati non cogentur satisdare, §. 1. l. de satisd. tut. l. 2. ff. de confirm. tut. l. 17. in pr. & l. 19. §. 1. ff. de testam. tutel. tamen & hi hodiè ad satisdationem compelluntur, in Polit. ordin. de Anno 1548. & repetita Anno 77. (e) Se videlicet commodum & utilitatem pupilli*

859
pupilli promoturos, ut res pupilli salva esse queat, l. ult. §. pen. C. de
admin. tut. d. l. 27. C. de Episc. audient. N. 72. c. f. (f) In quo cunctas
pupilli res describere tenentur. l. 7. in pr. ff. de administ. & peric. tut. l.
24. C. eod. & qui hoc non ritè conficit, dolo facit, & tanquam suspe-
ctus removetur, d. ll. N. 94. in f. Qui verò nullum fecit, in id quod
interest pupilli tenetur, ac infamiâ notatur, nisi iusta omissionis sub-
sit causa, d. l. 7. in pr. de admin. & peric. tut. d. Const. Carol. Tutor tamen
ante confectiorem inventarii potest facere, quæ utilia sunt pupillo,
& alienare quæ tempore sunt peritura, d. l. 7. ff. & l. 22. C. eod.

VI.

His ritè perfectis tutor in administratione pupillo
de educatione providebit, (a) & in omnibus negotiis
suam interponet auctoritatem; (b) sine qua pupillus
nec naturaliter quidem obligatur: (c) licet alios sibi
rectè obliget. (d) Hereditatem tamen licet lucrosam,
sine auctoritate tutoris adire non potest. (e)

(a) Quod præcipuum est tutoris officium. Educatio autem apud
matrem, aut si vitricum superinduxerit, apud quendam necessario-
rum fieri convenit, arbitrio tamen iudicis. l. 1. & 2. C. ubi pupill. educ.
deb. N. 22. c. 38. Quod si tutor pupillo alimenta deneget, removetur
tanquam suspectus. l. 3. §. 14. ff. de suspect. tut. l. 6. ff. ubi pupill. educ. (b)
pr. Inst. de autor. tut. l. 5. & 9. ff. eod. l. 4. C. eod. Auctoritas hîc est ap-
probatio ejus quod agitur, l. 3. ff. d. t. quæ interponitur perfecto eo,
quod pupillus præsentem tutorem gessit; ita tamen ut in continenti &
quidem expressè ea interpositio fieri debeat, l. 9. §. 5. ff. de autor. tut. l.
25. §. 4. ff. de acquir. hered. l. 31. ff. de usucap. Don. 3. comm. 13. & 7. comm.
9. Nec rati habitio hîc locum habet, §. 2. l. d. t. d. l. 9. §. 5. ff. d. t. quia
auctoritas tutoris pro solennitate actus adhibetur & ad integran-
dam pupilli personam requiritur. arg. l. 13. §. 2. ff. de public. in rem act.
(c) d. pr. l. de autor. tut. l. 9. ff. eod. l. 1. §. 1. ff. de novat. l. 59. ff. de O. & A.
nisi fortè ex constitutione D. Pii locupletior factus sit, l. 6. ff. de ne-
got. gest. l. 1. pr. l. 5. ff. de auth. tutor. vel si non agatur de pupilli damno,
sed alterius alicujus præjudicio, l. 1. §. 1. ff. de novat. l. 127. ff. de V. O.
cum similibus; vel deniq; nisi dolosè in re aliena versatus fuerit,

B 2

l. 1. §. 15.

Eorum
officium.

Auctoritas
tutoris in ipso
actu intervenire
debet.

Limita.

l. 1. §. 15. ff. deposit. tunc enim malitia supplet ætatem, l. 3. C. si minor. se
 major. dix. Clariss. & Excell. Dn. Ungep. Ex. 10. q. 3. (d) d. pr. & ibi Dd. l.
 de autorit. tut. §. 2. l. quib. alien. lic. vel non, l. 11. ff. de acquir. rer. dom.
 Don. d. lib. 3. comm. c. 13. in pr. (e) §. 1. ibiq. Dd. l. de auct. tut. l. 9. §. 3. ff.
 eod. Quoniam per aditionem hereditatis heres quasi contrahit, l. 3. ff.
 ex quibus causis in poss. eat. l. 8. ff. de acquir. hered. atq; obligatur ita ex
 quasi contractu, §. 5. l. de oblig. quæ quas. ex contract. nasc. 2. Quia he-
 reditas non nisi animi iudicio, quo pupillus caret, l. 189. de R. l. adi-
 ri potest. l. 9. l. 20. l. 88. de acquir. vel amitt. hered. 3. Quia hujusmodi
 obventiones universales multas habent vexationes & molestias, of-
 fensas & insidias, ut eleganter ait, Ulp. in l. 4. ff. ad Sctum Trebell. ut
 sæpè præstet eas negligere, quàm avidè sectari, l. 6. ff. de minor. Ve-
 rùm hæc omnia in extranei hereditate: alioqui si suus, & necessari-
 us sit, ipso jure, etiam tutore invito, hereditatem acquirit, nec au-
 ctoritate tutoris opus habet, §. 3. l. de hered. quæ ab intestat.

VII.

de
 Contrariis tu-
 telæ.

Potestas autem tutoris finitur, vel ipso jure, in per-
 sonâ pupilli & tutoris, (a) in personâ pupilli, (b) & in
 ipsâ tutelæ delatione; (c) vel sententia judicis. (d)

(a) Veluti morte pupilli vel tutoris, §. 3. l. quibus mod. tut. fin.
 l. 4. in pr. ff. de tut. & ration. distrab. Nec enim ad heredem tutoris
 ulla tutela transit, sed legitimam proprio jure agnationis liberi ca-
 piunt. l. 16. §. 1. ff. de tutel. Deinde captivitate pupilli tutela expirat,
 & interim curator bonis datur, l. 15. in pr. ff. ex quib. caus. major. quam-
 vis tutore capto tutela in suspenso sit, §. 2. l. de Attil. tutor. Capitis
 quoq; diminutio quævis respectu pupilli tutelam finit, §. 1. l. quib.
 mod. tut. fin. l. 14. ff. de tutel. respectu tutoris verò, maxima & media:
 nam minima legitimam solam tollit, §. 4. d. t. quod ipsum tamen
 hodiè immutatum putamus, per d. N. 118. c. 4. (b) pubertate, quæ
 non ex aspectu impudico dijudicatur, sed annorum numero intel-
 ligitur, pr. l. quib. mod. tut. fin. l. f. C. quand. tut. vel curat. esse desin.
 Hic notandum, nostris moribus tutelam hoc tempore non finiri,
 sed vel 18. vel 20. ann. eosdemq; ferè manere tutores, qui & curato-
 res fuerunt. Rittersh. ad h. pr. (c) cùm videlicet in testamento quis
 ad certum tempus, ex certo tempore, & sub conditione tutor da-
 tus est,

rus est, l. 14. §. f. ff. de tutel. l. 3. §. 7. ff. de suspect. tutor. §. 2. l. quib. mod. tut. fin. Don. 3. com. 14. (d) Cum iusta proposita & probata excusatione à tutelâ tutor datus liberatur. t. t. de excus. tut. vel etiam tanquam indignus & suspectus removetur, t. t. de suspect. tut. de quibus in positionibus sequentibus videbimus.

VIII.

Tutore per pubertatem liberato, succedit Curator, (a) qui puberum volentium, (b) bonis, (c) datur, (d) usq; ad annum ætatis 25. (e) sed & mente captis, furiosis, prodigis, (f) & aliis, (g) curatores dari solent.

(a) Quem tenetur tutor petere, vel pupillum admonere, ut sibi ipsi curatorem petat: aliàs enim iudicio tutelæ tenetur, l. 7. C. qui pet. tut. l. 5. §. 5. ff. de administr. tut. Licet autem hodiè generali consuetudine cura tutelæ cohæreat, & tutores etiam rebus minorum usq; ad maiorem ætatem præsent, tamen si velint, finitâ pubertate tutelam deponere possunt. §. qui tutelam 18. l. de excusat. tut. postquam rationes reddiderint, & adulto curatorem petierint. Quòd si tutor neq; per se neq; per pupillum curatorem petierit, in ipsum etiam invitum curæ onus continuabitur, d. l. 5. §. 5. ff. de administr. tut. In quibus differat tutelâ à curâ, non in eleganter explicat Giph. ad tit. de curator. (b) Cura enim tuetur puberem, pr. l. de curat. Sed non invitum, §. 2. d. t. l. 1. & 6. C. qui pet. tut. l. 2. §. 5. ff. eod. nisi ad litem d. §. 2. Consuetudine tamen hodierna omnibus puberibus etiam invitis, curatores dantur. Constit. Polit. Carol. V. (c) Nam curator rebus dari solet principaliter. pr. l. de curat. l. 3. §. 2. f. de tutel. & aliquando certæ rei vel parti, l. 3. §. 2. d. t. de tutel. §. 4. l. qui test. tut. Hic quæri solet, An minor sine curatoris consensu obligetur? Quod negandum videtur, per l. 3. C. de in integr. restit. min. Clariss. & Excell. Dn. D. Ungep. Exerc. 10. q. 4. (d) ab eodem magistratu quo tutores dantur. l. 3. ff. de tutor. & curat. dat. Hinc dativus tantùm est curator hodiè, §. 1. l. de curat. Nam testamento curator non datur, d. §. 1. & l. 1. in f. ff. de confirm. tut. Sicuti nec lege amplius, §. 3. l. d. t. l. 1. in pr. ff. de curat. furios. (e) completum in pr. l. de curat. l. 1. C. quand. tut. ess. desin. quia licet puberes, tamen ejus ætatis sunt, ut sua negotia tueri nequeant, d. pr.

B 3

§. l. 1.

quib.
tutor datur

& l. 1. ff. de minor. (f) §. 3. l. d. t. de curat. & d. t. ff. & C. de curat. furios.
 Prodigus autem jure nostro is demum intelligitur, cui à magistratu
 bonis interdictum est. l. 10. pr. l. pen. §. 1. ff. de curat. furios. & c. Nam
 ipso jure nemo bonorum suorum administratione privatur. arg. §. 2.
 Inst. quib. non est permiff. fac. testam. Et his personis, puta mente ca-
 ptis, furiosis, prodigis invitis, vel verius ignorantibus curatores dan-
 tur, quia velle nequeunt. l. 40. ff. de R. I. (g) videlicet surdis, mutis
 & qui perpetuo morbo laborant, §. 4. l. h. t. qui tamen inviti cura-
 torem recipere non coguntur, quemadmodum eleganter, Don. d.
 lib. 3. c. 18. Clariff. & Excellent. Dn. D. Ungep. d. Ex. 4. q. 10. in Ajo.

IX.

Communia
 tutorum & cura-
 torum

Communia tutoribus & curatoribus sunt I. satis-
 datio, de quâ suprâ th. 5. lit. D. 2. Excusatio. (a) Justæ
 verò excusationis causæ sunt: numerus liberorum, (b)
 administratio filci, (c) legatio publica, (d) potestas,
 (e) lis cum pupillo de majore patrimonii parte, (f)
 onera tria tutelæ non affectatæ, (g) paupertas, (h) ad-
 versa valetudo, (i) literarum imperitia, (k) inimicitia,
 (l) controversia status, (m) ætas ingravescens, (n) &
 artium liberalium professio. (o)

(a) Quæ est justæ causæ allegatio, propter quam tutor vel cura-
 tor tutelam vel curam sibi delatam deprecatur, Vult. ad pr. l. de Ex-
 cus. tut. n. 4. Wes. w. ff. eod. n. 1. Etsi enim nullus qualibet prærogati-
 vâ fultus, à publicis muneribus, quibus, ut dictum, tutela & cura
 accensenda venit, pr. l. h. t. immunis habetur, l. 19. & l. 28. C. de de-
 curion. tamen cum lex non ignoret, graves admodum & molestas
 esse tutelæ & curæ sollicitudines, iis maximè, qui aliis etiam rebus in-
 super onerati sunt; varias excusationes commenta est, quas tutor
 vel curator datus re adhuc integrâ, l. 2. C. si tutor vel curat. fals. alleg.
 excus. apud competentem judicem vel apud acta proponere, & o-
 nus tutelæ vel curæ deprecari possit. l. 13. §. 8. & 10. ff. de excusat.
 (b) trium Romæ, in Italia quatuor, quinq; in Provinciis. pr. l. h. t. l.
 r. C. qui num. lib. se excus. ita tamen ut tempore delatæ tutelæ sint su-
 perstites

perstites, l. 2. §. 4. & 8. ff. de excusat. l. 2. & 3. ff. de vacat. & excusat. mun. vel in bello, i. e. acie & conflictu perierint, d. pr. l. & l. 18. ff. d. r. de excusat. (c) §. 7. l. h. t. l. 41. ff. eod. l. 8. §. 7. de vacat. & excus. mun. quæ non tam ipsorum gratiâ qui administrant, quàm ne extenuentur facultates eorum, quæ fisco obligatæ sunt, introducta est. l. pen. §. 10. de jure immunit. (d) Ea; non tantùm à susceptâ tutela intermedii temporis quo quis Reip. causâ abest, vacationem præbet: §. 2. l. h. t. l. 10. §. 2. ff. eod. Sed & facit, ut ii qui qualitercumq; dati, necessitatis publicæ plebis Romanorum gratiâ absentes fuerint, intra annum post reversionem à novâ tutelâ vel curâ excusentur, d. §. 2. l. & d. l. 10. in pr. & §. 2. ff. h. t. l. 2. C. si tut. vel curat. Reip. caus. aber. (e) §. 3. l. h. t. l. 19. §. 1. ff. de tut. & curat. dat. l. 6. §. 16. ff. de excusat. Quæ tamen si temporalis sit, à tutela vel cura suscepta non excusat. d. §. 3. l. 17. §. 5. ff. eod. cùm multa non suscepta deprecari liceat, quæ semel suscepta perfici debant, §. 11. Inst. mandat. & multa impediuntur in principio, quæ postea facta non tolluntur, l. 8. ff. de his qui sunt sui vel alien. jur. Si verò perpetua fuerit, etiam à suscepta tutela vacationem præstat, arg. l. 30. ff. de Excusat. (f) §. 4. l. h. t. l. 21. in pr. ff. & l. 16. C. eod. Hodie tamen tutor vel curator ob quamlibet litem, quam cum pupillo vel adulto habet, ipso jure tutelam suscipere prohibetur, ita ut excusatione ampliùs opus non sit. N. 72. c. 2. 2. §. (g) §. 5. Inst. h. t. l. 15. §. 15. l. 31. ff. eod. l. 1. C. qui num. tut. Idq; introductū est ob favorem partim pupilli, ut ei tanto melius prospiciatur, partim etiam tutoris, ne is nimium oneretur, cùm jam antea tot molestiis sit gravatus. Aliquandò tamen una tantùm tutela ad excusationem aliarum sufficit, si tam diffusa & negotiosa sit, ut pro pluribus cedat. Non enim numerus pupillorum, sed difficultas conficiendarum & reddendarum rationum consideranda est. d. l. 31. §. f. ff. h. t. (h) §. 6. Inst. h. t. l. 17. l. 40. §. 1. ff. eod. Idq; propterea, ne dum tutelæ vel curæ negotiis implicatur, sibi ac suis prospicere, & victum quærere non possit. Cùm verò paupertatis definitio, & terminus certus dari non possit, non immeritò judicis arbitrio eam æstimandam relinquimus cum Tr. vol. 2. D. 9. th. 2. lit. E. (i) Non tamen quæcunq; , sed ea quæ impedimento est, quo minus quis rebus suis superesse possit, §. 7. Inst. h. t. l. 10. §. ult. ff. eod. puta si tutor post susceptam tutelam captus oculis fuerit, vel mente, vel linguâ, vel auribus aut in-

valetudine



valetudine perpetua. *d. l. 40. in pr. ff. h. t.* Nam ab initio, qui his mor-
 bis sunt affecti, tutores aut curatores planè dari non possunt: cum
 sit incivile eos, qui alieno auxilio in rebus suis administrandis egere
 noscuntur, & ab aliis reguntur, aliorum tutelam vel curam subire.
 §. 13. in f. *Inst. h. t.* (k) Nec itidem quævis, sed quæ administrationi
 imparem quem faciat: id quod annuunt verba, *d. §. h. n.* ibi: quam-
 vis & imperiti &c. quibus per adversativam corrigitur & circum-
 scribitur regula præcedens, ut conveniat cum, *l. 6. §. ult. ff. h. t.* (l)
 capitalis scilicet vel gravissima, *d. l. 6. §. 17. l. 3. §. ult. ff. de adim. legat.*
 Si reconciliatio non intervenit. §. 11. *Inst. h. t.* adeò ut nec tutelam odio
 & malevolentia testatoris delatam recipere quis cogi possit, §. 9. *Inst.*
h. t. d. l. 6. §. 17. ff. eod. (m) §. 17. *Inst. d. l. 6. §. 18. ff. eod.* Nulla enim ini-
 micitia pestilentior, nulla lismajor, vel periculosior esse potest,
 quàm quæ de statu movetur, *arg. l. 14. in pr. ff. de bon. libertor.* (n)
 Quæ major 70. annis à muneribus personalibus non verò patri-
 monialibus excusat. *l. un. C. qui etat. l. 3. ff. de jur. immunit. l. 2. in pr.*
ff. d. t. de excus. §. 13. Inst. eod. (o) ut Grammaticæ, Rhetoricæ, Me-
 dicinæ; modò earum Professores intra numerum sint, actuq; ipso
 doceant, & quidem in patria suâ. §. 15. *Inst. h. t. d. l. 6. §. 1. & seqq. ff.*
eod. vel aliàs valdè disciplinis sint instructi, *d. l. 6. §. 10. aut Romæ*
profiteantur. d. l. 6. §. 11. l. 9. ff. de vacat. & excus. mun.

X.

de
 Excusationib;
 Tutorum.

Licet autem tutor, qui plures habuerit excusatio-
 nes, in quibusdam probandis succubuerit, aliis tamen
 uti intra tempora constituta non prohibetur. (a) Neq;
 tutores qualitercunq; dati, (b) statim ab ipsâ da-
 tione appellant, (c) sed intra tempus constitutum, (d)
 excusationis causas proponunt.

(a) §. 16. *Inst. h. t. l. 21. §. 1. ff. eod.* debent autem jam natæ esse,
 non nascituræ, *l. pen. in pr. ff. d. t. de excus.* (b) Sive à testatore, sive
 à Prætorè, *d. §. 16. Inst. l. 13. §. 3. ff. h. t.* Imò etiam legitimi. per tex-
 tum in *l. 1. C. de legit. tut. l. 9. C. qui dare tut. vel curat. &c. N. 118. c. 5.*
Don. 3. comm. 9. & ibi Hillig. lit. X. (c) Sed licitum est ipsis post con-
 stitutionem D. Marci etiam sine appellatione à tutelâ vel cura se ex-
 cusare.

1862
excusare, l. 16. ff. h. t. cum necessitas appellandi, quæ olim ad munus aliquod vel honorem vocatis, seq; excusare volentibus incumbere. l. 1. §. 2. ff. quand. appell. l. 1. in pr. ff. de vacat. & excus. mun. l. 7. l. 11. C. de appellat. hodiè tutoribus curatoribusq; ex dicta Constit. D. Marci sit remissa. l. 13. in pr. ibi necesse non habent. ff. de excus. l. 18. C. eod. Quod si tamen statim à delatione tutelæ, non expectatâ rejectione causarum excusationis appellare maluerint, concessum id ipsis adhuc est; veruntamen non, ut olim coguntur. (d) Tempus excusationis huius proponendæ est spatium 50. dierum, propositæ verò perficiendæ 4. mensium, l. 13. §. 1. & 6. l. 38. ff. h. t.

XI.

Tertiò deniq; tutoribus & curatoribus communis est suspecti actio, (a) quæ ex ipsa L. XII. Tabb. descendit, (b) & competit omnibus, (c) adversus omnes tutores & curatores, (d) coram magistratu competente. (e)

de
actione q^a sus-
pectum tutorem.

(a) Cujus civiliter intentatæ effectus est, suspectum declarare & ab administratione remove, l. 4. §. ult. & t. t. Inst. ff. & C. de suspect. tut. l. 3. §. 2. ff. de administr. tut. criminaliter verò, arbitrariè punire. §. 10. & seq. Inst. h. t. l. 1. §. ult. l. 2. l. 3. §. 15. ff. eod. Dicitur autem suspectus, qui non ex fide tutelam gerit. §. 5. Inst. h. t. l. 5. §. 5. ff. eod. licet solvendo sit, d. §. 5. Inst. d. t. idonei namq; non tam patrimonio, quàm fide æstimantur. l. 122. inf. ff. de V. O. Suspectus autem remotus, si quidem ob dolum, famosus est, si ob culpam latam vel levem non aq; §. 6. Inst. h. t. l. f. C. eod. (b) pr. Inst. h. t. l. 1. §. 2. ff. eod. & quidem utilissimè; cum melius sit jura minorum intacta servari, quàm post vulneratam causam remedium quærere, l. f. C. in quibus caus. in integr. rest. ne consumptis & diminutis à tutore vel curatore bonis, serò cum Phrygibus Pergama castra doleant. arg. l. f. §. 5. vers. fili; a i- tem famil. C. de bon. que liber. (c) Est enim hæc actio quasi publica, ita ut quis accusare possit. §. 3. Inst. h. t. d. l. 1. §. 6. ff. eod. etiam extraneus. l. 6. inf. C. h. t. & foeminae, sed illæ tantum, quæ pietate ac necessitudine ductæ ad hoc procedunt, d. §. 3. Inst. & d. l. 1. §. 7. ff. eod. Non tamen impuberes, licet puberes ex consilio necessariorum curatores suos rectè suspectos arguant, §. 4. Inst. h. t. l. 7. in pr. ff. eod.

C (d) Cu

(d) Cujuscunq; sint generis, §. 2. *Inst. h. t. d. l. 1. §. 5. ff. eod.* Quare et si legitimus sit tutor, accusari poterit, *d. §. 2. Inst. & d. l. 1. §. 5. ff. h. t.* Excepto patrono, qui licet ut suspectus removeri possit, tamen fama ejus ne periclitetur, causa remotionis decreto inferenda non est, *l. 4. §. 2. ff. h. t.* Sed optimum factum erit, patrono, qui à liberto ut suspectus postulatur, curatorem potius adjungi, quam eundem cum notatâ fide & existimatione removeri. Quod etiam humaniùs esse dicit Jctus Modestini. in eo tutore, qui pupillo, vel necessitudinis vel affinitatis vinculo conjunctus est, observare. *l. 9. h. t. Clariss. & Excellentiss. Dn. D. Ungep. d. Exc. 4. q. f.* (e) qualis Romæ erat Prætor, in provinciis Præsides, Proconsules eorumq; legati, *d. §. 1. Inst. h. t. & d. l. 1. §. 3. & 4. ff. eod.* & quidem citra specialem concessionem, vi ordinariæ jurisdictionis: adeoq; etiam vi mandatæ jurisdictionis Legato competit. *l. pen. ff. de offic. ejus cui mandat. & c. d. l. 1. §. 4. ff. h. t. Dn. D. Ungep. d. Ex. 4. q. 16.*

XII.

Novissimè sciendum, suspectum tutorem etiam si jam satisdederit, vel adhuc satisdare paratus sit, removendum esse: (a) nec solam tutoris paupertatem sinistra aliquam suspicionem generare. (b)

(a) *§. ult. l. h. t. l. 6. ff. eod.* Expedi enim potius pupillo rem suam salvam fore, quam tabulas cautionis habere. *d. l. 5. ff. d. t.* quia satisdatio propositum tutoris malevolum non mutat, sed diutius grassandi in re familiari facultatem præstat, *d. §. f. Inst. & l. 6. ff. h. t.* (b) *d. §. f. Inst. h. t.* In postulandò siquidem tutore vel curatore non vires patrimoniorum principaliter, sed an nihil segniter, nihil fraudulenter geratur, perpendi oportet, *l. 5. C. h. t.* Hinc suspectum tutorem dicimus eum, non cui res angusta domi est, sed qui tam perditis & afflictis est moribus, ut velex iis satis evidenter appareat, suspectum eum esse. *d. §. ult. Inst. l. 8. ff. hoc t.* Imò plerumq; pauperior tantùm fide ac operâ suâ supplet, quantum ei per patrimonium deest, *arg. l. 21. §. 5. ff. de tutor. & curat. dat.* Nec enim, ut eleganter Maro.

— — — *Si miserum fortuna Sinonem
Finxit, vanum etiam mendacemq; improba finget.*

Et

863

Et multi reperiuntur boniviri, sed pauperes, ut est apud *Aristoph.*
in Pluto. Cujus rei causam inquirens, *Petronius Arbiter in Satyrice,*
Nescio, inquit, quâ fiat, ut bonæ mentis soror sit paupertas. Quod
si tamen tutor tam egenus sit, ut per id pupillorum substantia pe-
riclitetur, alius ei curator adjungendus est, *ex Consilio Imp. Gordiani*
in l. 6. vers. quod si nihil. C. h. t.

Et tantum de tutelæ & curæ materiâ hæcenus disseruisse sufficiat.

DEO sit Laus & Gloria in omne ævum.

ADDITAMENTA.

I.

Venatio est regale studium, Principibusq; con-
veniens.

II.

An terræ motus mutationis Reip. & calamitarum
publicarum sint prænuntii? A.

III.

Num virgini sive matronæ suum pudorem telo
defendere & attentantem occidere liceat? A.

IV.

Num Gynæcocratia admittenda? N.


V.

An si parens filium jusserit, sibi lethalem ensẽ
porrigere, aut toxicum propinare, dicto audiens de-
beat esse filius? N.

C 2

Ad





Ad Præstantissimum & Doctissimum

DN. RESPONDENTEM, amicum meum
singularem.

Dudum viros quod, nocte reconditum,
Latebat occultè, experientiã
Duce & magistrã commoratur,
Deniq; sub radiante dio.
Primæ Tui te, POPPO, chori decus
Parnasi, moti pietate eã,
Cùm subderent curæ viri arte,
Egregiã, ipso & honore magni:
Viri, qui iisdem mœnibus est capax
Natalibus mecum, atq; puertiam
Sub rege eodem egit, meãq; est
Dimidium usq; animæ (ah!) remotum:
Tutela quã succederet orphano,
Non ponderabas; Judicium tuis
Annis ut auctum est cum petulcis,
Tum vario didicisti ab usu.
Proinde Musis NORIADUM in sacro
Paras, Lyceò legitimam suis
Coloribus tutelam ad assem
Exprimere, ut præit IMPERATOR.
Tuere tutelam ingenio tuo,
Plenis honorum muneribusq; abhinc
Pollebis, æternando in ævum
Auspiciis, titulisq; nomen.


Norimbergæ caneb.

L. M₃

M. ANDRAS LUDOVICUS
Scholæibid. Ægid. Conr.

F I N I S.





Altdorf, Diss., 1599-1633

ULB Halle

3


005 607 582



TA → OL

W.A.







B.I.G.

Farbkarte #13

THESES JURIDICÆ
De

WITTELA ET CURA,

Quas
D. T. O. M. A.

PRÆSIDE
Clarissimo & Consultissimo VIRO

WILHELMO LUDWELL, U. J. D.
P. Fautore & Præceptore suo omniho-
noris & observantiæ cultu jugiter æviter-
nùm suspiciendo,

in clutâ NORIBERGENSESIUM UNIVER-
SITATE ALTDORPHINA,
Publica & placida disquisitioni
In Acroaterio majori

Committet & pro virili defendere conabitur,
HIERONYMUS POPP SCHUIN-
FURTENSIS FRANCUS.

Ad diem Martij
A. R. S.

M. DC. X X XII.
ALTDORPHI

Typis BALTHASARIS SCHERFFI,
Universitatis Typographi.

Wta 19. No 29.

15
24
1632
L
24